



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Dato: 8. april 2014
J.nr.: 01.31.06/14-00658

**Aningaasaqarnermut Akileraartarnermullu Ataatsimiititaliap tallimangornermi
ulloq 28. marts 2014-imi aalajangiineranik Naalakkersuisunut ilisimatitsineq**

**Qeqqata Kommuniani inissianut aningaasaliissutinik missingersuutitut sunniu-
teqanngitsumik nussuineq (Suliaq nr. 01.31.06/14-00658)**

Naalakkersuisut **inassutigaaat**,

- kontomi pingaarnermi 89.72.12-imi, Inissialiassanut taartissanillu inissialiorti-
ternermut tunngasumi, 2014-imi suliassamut nr. 070.32.125-mut, Maniitsumi
2014-imi innarluutilinnut inissiat 16-inut tunngasumut, aningaasaliissutit 1,42
mio. koruuninik ikilisinneqassasut, suliassamut nr. 080.32.126-imut, Sisimiuni
2014-imi innarluutilinnut inissianut 16-inut tunngasumut, aningaasaliissutit 1,42
mio. koruuninik ikilisinneqassasut, suliassamut nr. 070.32.127-mut, Maniitsumi
2014-imi inissianut utoqqarnut tulluarsakkanut 12-inut tunngasumut,
aningaasaliissutit 1,42 mio. koruuninik amerlineqassasut aamma suliassamut nr.
080.32.128-mut, Sisimiuni 2014-imi inissianut utoqqarnut tulluarsakkanut 12-
inut tunngasumut, aningaasaliissutit 1,42 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Maniitsumi Sisimiunilu innarluutilinnut inissiassatut pilersaarutinit 32-nit aningaasanik
sumiiffinni taakkunani utoqqarnut inissiassatut pilersaarutitut allanut 24-nut nuussinissaq
Naalakkersuisut qinnutigaaat. Tamatumanili innarluutilinnut inissiassat
pingaannginnerusunngortinneqanngillat. Inissiat assigiinngitsut taakku marluk
kvadratmeterimut angissusissaat minnarneqarsimasut paasineqarpoq. Ukiumi aningaasanut
inatsiseqarfiusumi aningaasaliissutinik amerlanerusunik qinnuteqarnissamut taarsiullugu
aningaasanik nuussinissaq qinnutigineqarpoq, taamaalilluni aningaasaliissutit
amerlissutissaat 2015-imi aningaasanut inatsisissatut siunnersuummut aatsaat
ilanngunneqassallutik.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Ataatsimiititaliap sinnerlugu

Jens Immanuelson
Ataatsimiititaliap siulittaasua